

Na osnovu člana 9. Zakona o izmirenju obaveza po osnovu računa stare devizne štednje u Federaciji Bosne i Hercegovine ("Službene novine Federacije BiH", broj 62/09) i člana 24. stav 2. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", broj 86/07 i 24/09), Vlada Federacije Bosne i Hercegovine, na 120. sjednici Službene Novine FBiH 67/09 godine, donosi
od 26.10.2009. godine

ODLUKU

O PRVOJ EMISIJI OBVEZNICA FEDERACIJE BOSNE I HERCEGOVINE ZA IZMIRENJE OBAVEZA PO OSNOVU VERIFIKOVANIH RAČUNA STARE DEVIZNE ŠTEDNJE

I.

Radi izmirenja obaveza Federacije Bosne i Hercegovine, (u daljnjem tekstu: Federacija), po osnovu verifikovanih računa stare devizne štednje, Federacija će emitovati obveznice stare devizne štednje, (u daljnjem tekstu: obveznice), u skladu sa ovom Odlukom.

Iznos emisije obveznica iz stava 1. je 346.515.271 KM.

Iznos iz stava 2. predstavlja sumu pojedinačnih verifikovanih iznosa, umanjениh za isplaćene gotovinske isplate i poslije otpisa iznosa u feninzima za svakog povjerioca.

II.

Obveznica je u nematerijalizovanom obliku i vodi se, čuva i prenosi kao elektronski zapis na račun u vrijednosnih papira u informacionom sistemu Registra vrijednosnih papira u Federaciji Bosne i Hercegovine (u daljnjem tekstu: Registar) i imaocu daje pravo naplate glavnice i kamata.

Osnovni elementi obveznica iz tačke I. ove Odluke su:

- 1) Emitent: Federacija;
- 2) Naziv emisije: obaveze po osnovu verifikovanih računa stare devizne štednje;
- 3) Nominalna vrijednost emisije: 346.515.271 KM;
- 4) Vrsta obveznica: dugoročna obveznica sa kamatnim prinosom, neograničeno prenosiva, u nematerijalizovanom obliku, na ime;
- 5) Nominalna vrijednost jedne obveznice: jedna konvertibilna marka;
- 6) Tip emisije: primarna emisija;
- 7) Redni broj emisije: prva emisija;
- 8) Broj emitovanih obveznica: 346.515.271;
- 9) Prva emisija će biti emitovana u šest serija sa oznakama: Serija A, Serija B, Serija C, Serija D, Serija E i Serija F.
- 10) Podaci o vlasniku obveznice: naziv, sjedište i jedinstveni identifikacioni broj za pravno lice, ime i prezime i jedinstveni matični broj za fizičko lice, odnosno identifikacioni broj za strana fizička i pravna lica;
- 11) Datum prve emisije: 30.09.2009. godine;
- 12) Rok dospjeća: šest godina od dana emisije;
- 13) Kamatna stopa: fiksna, 2,5% godišnje, računa se na ostatak glavnice uz primjenu linearnog modela obračuna kamate.

III.

Obveznice nose kamatu na glavnice po kamatnoj stopi 2,5% godišnje i koja se obračunava polugodišnje.

Vlasnik obveznice ima pravo na pripadajući dio glavnice i kamate obračunate na preostali dio glavnice u polugodišnjim periodima.

Prvo dospijeće kamate, te obveznica Serije A u iznosu od 50.224.612 KM je 31.12.2009. godine, za period od (ne uključujući datum emisije) 30.09.2009. godine do (uključujući) 31.12.2009. godine.

Sljedeće glavnice i kamate dospijevaju prema sljedećem planu:

- Dospijeće glavnice: obveznice Serije B u ukupnom iznosu od 51.969.540 KM dospijevaju 30.09.2010. godine, obveznice Serije C u ukupnom iznosu od 65.823.424 KM dospijevaju 30.09.2011. godine, obveznice Serije D u ukupnom iznosu od 65.834.322 KM dospijevaju 30.09.2012. godine, obveznice Serije E u ukupnom iznosu od 51.974.194 KM dospijevaju 30.09.2013. godine i obveznice Serije F u ukupnom iznosu od 60.689.179 KM dospijevaju 30.09.2014. godine.
- Dospijeće kamate: 31.03.2010. godine, 30.09.2010. godine, 31.03.2011. godine, 30.09.2011. godine, 31.03.2012. godine, 30.09.2012. godine, 31.03.2013. godine, 30.09.2013. godine, 31.03.2014. godine i 30.09.2014. godine.

IV.

Kamatu, odnosno glavnice Federalno ministarstvo finansija - Federalno ministarstvo financija, (u daljnjem tekstu: Ministarstvo), isplaćuje na dan dospijeca, a najkasnije u roku od 30 dana od dana dospijeca, prijenosom sredstava na račun vlasnika obveznice.

Obračun kamata koje dospijevaju 31.12.2009. godine i 31.03.2010. godine vrši se kvartalno, dok se ostale kamate iz tačke III. stav 4. obračunavaju polugodišnje.

Isplata se vrši u skladu sa sljedećim otplatnim planom:

Datum	Nominalna vrijednost	Preostali dio nominalne vrijednosti	Stopa otplate	Isplata glavnice	Isplata kamate	Isplata anuiteta
1	2	3	4	5	6	7
31.12.2009.	346.515.271	296.290.659	14,49%	50.224.612	2.165.738,92	52.390.350,92
31.03.2010.	346.515.271			0	1.851.827,25	1.851.827,25
30.09.2010.	346.515.271	244.321.119	15,00%	51.969.540	3.703.656,21	55.673.196,21
31.03.2011.	346.515.271			0	3.054.028,14	3.054.028,14
30.09.2011.	346.515.271	178.497.695	19,00%	65.823.424	3.054.028,14	68.877.452,14
31.03.2012.	346.515.271			0	2.231.228,33	2.231.228,33
30.09.2012.	346.515.271	112.663.373	19,00%	65.834.322	2.231.228,33	68.065.550,33
31.03.2013.	346.515.271			0	1.408.295,62	1.408.295,62
30.09.2013.	346.515.271	60.689.179	15,00%	51.974.194	1.408.295,62	53.382.489,62
31.03.2014.	346.515.271			0	758.616,06	758.616,06
30.09.2014.	346.515.271	0	17,51%	60.689.179	758.616,06	61.447.795,06

V.

Sredstva za izmirenje obaveza po ovoj emisiji obezbjeđuju se iz Budžeta Federacije.

VI.

Obveznice predstavljaju apsolutnu i bezuslovnu obavezu Federacije, međusobno su ravnopravne i najmanje su u istom rangu sa svim drugim sadašnjim i budućim obavezama za čije izvršenje sredstva obezbjeđuje Federacija, u skladu sa Zakonom o izmirenju obaveza po osnovu računa stare devizne štednje u Federaciji Bosne i Hercegovine, Zakonom o dugu, zaduživanju i garancijama u Federaciji Bosne i Hercegovine i drugim propisima.

Federacija može, u bilo koje vrijeme, otkupiti obveznice po bilo kojoj cijeni na tržištu ili na drugi način, pod uslovom da, u slučaju kupovine javnom ponudom, takva ponuda bude jednako dostupna svim vlasnicima obveznica.

Ni vlasnik obveznice, niti bilo koje drugo pravno ili fizičko lice, ne može obveznice proglasiti plativim prije roka njihovog dospijeca odnosno ne može tražiti njihov prijevremeni otkup, osim u slučaju iz stava 2. ove tačke.

VII.

Obveznice ne podliježu propisima i odobrenju Komisije za vrijednosne papire Federacije Bosne i Hercegovine (u daljnjem tekstu: Komisija).

Ministarstvo će o emisiji obveznica obavijestiti Komisiju u roku od sedam dana od dana donošenja ove Odluke.

VIII.

Poslove po osnovu emisije obveznica obavlja Ministarstvo.

Vlada Federacije, na prijedlog Ministarstva, može odrediti agenta za pružanje usluga po osnovu emisije obveznica.

IX.

Upis obveznica u informacijski sistem Registra, vrši se na osnovu naloga Ministarstva koje će sa Registrom prethodno zaključiti ugovor o vođenju obveznica.

X.

Pravo vlasništva nad obveznicama stiče se danom upisa obveznica kod Registra na račun vlasnika obveznice.

XI.

Registar će, na osnovu ove Odluke, kao i naloga za upis obveznica u informacijski sistem Registra, registrovati i čuvati obveznice, čuvati podatke o obveznicama i svim transakcijama u pogledu prijenosa vlasništva ili promjene statusa obveznica, otvoriti i voditi račune vlasnika obveznica, izvršiti registraciju i čuvati podatke o sticanju prava vlasništva i pravima iz obveznica, te izdavati izvještaje, izvode i potvrde o stanju i promjenama na računima vlasnika obveznica, te obavljati druge poslove u skladu sa propisima koji uređuju tržište vrijednosnih papira, propisima Registra i ugovorom zaključenim sa Ministarstvom.

XII.

Registar je dužan da obavijesti Sarajevsku berzu/burzu d.d. Sarajevo (u daljnjem tekstu: SASE) o registraciji obveznica.

Na osnovu izvještaja Registra, obveznice emitovane u skladu sa ovom Odlukom uvrštavaju se na službeno berzansko tržište SASE.

Trgovina obveznicama na berzanskom tržištu obavlja se u skladu sa propisima kojima se uređuje trgovanje vrijednosnim papirima.

Cijena obveznica, uvrštenih u službeno berzansko tržište SASE, bazirat će se na tzv. čistoj cijeni, tj. neće obuhvatati stečenu kamatu.

XIII.

Sredstva na ime kamate i glavnice obveznica isplatit će se na račun vlasnika obveznica, bez odbitka na ime naknade ili drugih troškova.

XIV.

Prihodi od kamata i kapitalne dobiti po osnovu obveznica neće se oporezivati.

XV.

Za realizaciju ove Odluke zadužuje se Ministarstvo.

XVI.

Ova Odluka stupa na snagu narednog dana od dana objavljivanja u "Službenim novinama Federacije BiH".

V broj 765/09
21. oktobra 2009. godine
Sarajevo

Premijer
Mustafa Mujezinović, s. r.